

MATH., I, 14, d. MATH., I, 14, d. Commencement d'une feuille :

Elementa plani ¹ in calculum redigere conabor, ut specimen exhibeam
Calculi Situs quem excogitavi ².

MATH., I, 15. MATH., I, 15 (8 p. in-4°). Copie de la main d'un secrétaire.

De Calculo Situum.

P. 1. § 1. Ut in Calculo Magnitudinum < cum ipsas Magnitudines formamus
dum > addimus, multiplicamus, in se ducimus et horum reciproca
peragimus, tum etiam conferimus per rationes, aliasve relationes pro-
gressionibus ac denique Majoritates, Minoritates et Æquationes. Ita in
Situ formamus Extensa per Sectiones et Motus, deinde conferimus, spec-
tamusque in eis præter Magnitudines Similitudinem, Congruentiam (ubi
concurrunt Æqualitas et Similitudo) Coincidentiam, adeoque Determina-
tionem. Determinatum enim est cui aliquid, iisdem positis conditionibus,
coincidere debet.

§ 2. Et ut doctrina Magnitudinis sua habet Axiomata, veluti Totum
sua parte majus est. Quod majus est majore majus est minore. Si æqua-
libus æqualia addas proveniunt æqualia, aliaque id genus. Ita Doctrina
Situs Axiomata propria habet qualia sunt :

Si Similitudo, Congruentia, Coincidentia sint in Determinantibus,
esse etiam in determinatis, et vicissim, si ea sint in Determinatis erunt
quoque in Determinantibus simplicissimis.

Exempli causa. Ponamus non nisi unicam Rectam a puncto ad punctum
duci posse, sequetur omnes Rectas esse inter se similes, quia ad determi-
nandam Rectam ab A. ad B. nihil aliud opus est quam assumi A, B. et
ad aliam LM, saltem assumi situm punctorum L, M. Situs vero duorum
punctorum situi aliorum duorum semper similis est quia nihil differentiæ
præter solam magnitudinem distantie totius assignari potest, sed magni-
tudo jam est aliquid ad tertium relatum. < Non tamen Situs punctorum

1. C'est-à-dire la Géométrie plane, opposée aux « Solidi Elementa ».

2. Cf. MATH., I, 1, b, et note.

duorum Situi punctorum aliorum \langle duorum \rangle plane [idem] \langle con- MATH., I. 15.
gruus \rangle erit nisi ita ponantur ut quodlibet Extensum continuum quod
applicari potest inter Terminos unius situs possit etiam applicari inter
Terminos situs alterius. \rangle

Similia vero sunt quæ ambo seorsim spectata sunt indiscernibilia ita
ut nihil sumi possit in uno cui simile sumi nequeat in altero, abstrahendo
ubique ab aliquâ determinatâ Magnitudine nisi excipias magnitudinem
Angulorum, quæ ad doctrinam situum, non vero ad doctrinam Magnitu-
dinum referri debet.

Cum ergo probaverimus omnes situs binorum punctorum esse similes,
etiam determinata, seu omnes Lineæ Rectæ erunt Similes.

| § 3. Contra non omnia Triangula per situm trium punctorum deter- P. 2.
minata sunt similia inter se. neque enim ABC similiter
se habent ut LMN. Potest enim Distantia AB ad Dis- B C
tantiam BC aliam rationem habere quam Distantia LM A L
ad distantiam MN, ita ut in determinantibus sit dissimili- M
tudo. ex quo patet etiam in duabus Rectis lineis tria N
puncta tribus aliis dissimiliter sita eligi posse.

Nam similitudo a determinato reciproce tantum valet ad
purè determinantia, non etiam ad ea quæ sunt plùs quàm determinantia.

Sic, etiamsi Circulus determinetur per tria puncta peripheriæ data,
et omnes Circulos inter se similes esse minime sit negandum, tamen hic
Consequentia non valet a determinantum similitudine ad determinan-
tium similitudinem, quia Peripheriæ tria puncta data plùs determinant,
quàm ipsum Circulum, scilicet etiam certum Angulum in segmento, et
tres partes peripheriæ determinatam ad totum Circulum rationem
habentes.

At contra si Circuli duo determinantur per datas duas Chordas et per
æquales Angulos in segmentis super Chordas factis, tum demum Circuli
non solum similes erunt, sed etiam similiter determinati. Hic autem
quæstio nec de tali quidem determinatione est, sed saltem de primis et
simplicissimis determinantibus, quæ ubi determinata fiunt similia, etiam
similia esse debent.


Si vero contingeret, dissimilia determinantia nihilominus dare similia
determinata, id ipsum certo indicio est hanc determinationem non esse
simplicissimam, sed aliam dari simpliciozem.

- MATH., I, 15. § 4. Uti Magnitudinum Logisticam seu Mathesin generalem ad calculum reducimus, utimurque imprimis rationibus et æquationibus, ita calculus quidam in situ institui potest per similitudines et congruentias.
- P. 3. | Literæ autem in Calculo Magnitudinis designare solent ipsas Magnitudines. In Calculo Situs possunt designare puncta et loca. Hinc si $YA \simeq B.A.$ ' locus omnium Y est superficies sphæræ.

In hac Consignatione B.A. significat situm puncti B. ad punctum A, sed \simeq est signum congruitatis. Sensus ergo illius Consignationis talis est. Quodlibet indeterminatum Y eum situm habere ad punctum determinatum. A quem habet B ad A. unde intelligitur ipsum B quoque inter ea Y seu in eadem superficie sphæræ esse. Sed si posuissem $Y.A. \simeq B.C.$ non opus fuerit B in superficie sphæræ poni. < Sed jam maneat $Y.A. \simeq B.A.$ >

§ 5. Jam positâ aliâ adhuc sphærâ $ZL. \simeq ML.$ et considerando has duas superficies sphæricas se intersecare et loca communium concursuum vocari V. unumquodque V. erit simul Y. et Z. ut scribere possim $V.A. \simeq BA$ et $V.L. \simeq ML.$ Potest autem B assumi coincidens ipsi M (quod ita signatur $B \simeq M$) quod vocetur F, determinatum ex ipsis V. fietque $V.A. \simeq F.A.$ et $V.L. \simeq F.L.$ unde componendo fit $V.A.L. \simeq F.A.L.$ unde sequitur, Lineam in qua se secant duæ superficies sphæricæ ejus esse naturæ ut quodvis ejus punctum V habeat ad duo data A.L. situm eundem. quem constans F. (quæ proinde una est ex ipsis V) ad eadem puncta A.L.

§ 6. Idem etiam sic enuntiari poterat : Quodvis punctum * A.G.L. cujus duo puncta A. et L. quiescunt, motu suo talem lineam V.V.V. describet qualem formant duæ superficies sphæricæ sua intersectione, id est Circularem, quia cum Extensum ponatur rigidum adeoque punctum quodvis ut G suum situm servet ad puncta A.L. durante motu extensi continuo quiescentia, inde quodlibet Vestigium ipsius G. circumvoluti situm eundem ad duo puncta fixa A. et L. retinebit non aliter ac suprâ scripsimus $V.A.L. \simeq F.A.L.$




1. Ce signe de congruence se trouve dans l'*Analysis Geometrica propria*, 1698 (*Math.*, V, 172) et dans l'*In Euclidis πρῶτα* (*Math.*, V, 185).

2. Lire : *extensum*.


| § 7. Puncta vero quævis quæ dicto Motu durante unà cum punctis A et L quiescunt, eo ipso quia quiescunt, oportet esse situs sui ad A. et L. unica. Nam si moverentur pluribus locis eundem situm ad A et L. exhibere possent, siquidem omnia eorum vestigia eundem situm ad A. et L. haberent. Jam vero ea puncta sunt sua ipsorum vestigia, id est describent Circulos indefinite parvos sive evanescentes in puncta. Ita prodit Linea Recta cujus Expressio hæc erit. Posito puncto quovis ejus indeterminato R. dicetur R.A.L. Unicum seu si $R.AL \simeq (R)A.L.$ erit $R \propto (R)$. MATH., I, 15.
P. 4.

§ 8. Hinc patet duas Rectas non transire per eadem duo puncta ut ABC et ABS. nam si in Rotatione Plani punctis A. et B. fixis totum planum moveatur, illa rotatio efficiet ut quicquid semel fuit altero superius seu propius externo initio rotationis id facie versa fiat postea inferius seu remotius ab initio rotationis externo. At, si tàm Lineæ ASB quàm ACB essent Rectæ, facta rotatione ad Fixa puncta A. et B. oporteret ambas quiescere ex natura Lineæ Rectæ modo ostensâ. Si ambæ quiescerent, S semper maneret suprâ extensum ACB et nunquàm caderet infrâ, quod est contrâ Naturam Rotationis.



§ 9. Hinc statim colligimus Rectas inter se similes esse, habere partem toti similem, quin etiam Rectam Lineam esse simplicissimam, cum nihil aliud quàm extrema ad totam suam determinationem requirant, adeoque et minimam inter extrema, et pro distantia punctorum in posterum sumi posse. Pro distantia sumetur, quia Terminis immotis, distantiam Terminorum oportet esse immotam. Si ergo alia Linea inter A. et B. præter Rectam assumeretur pro distantia, etiam illa punctis A. et B. Fixis in rotatione Plani maneret immota, præter Rectam AB. etiam immotam in eadem rotatione per § 7. Ergo darentur duæ diversæ Lineæ simul immotæ in hac rotatione, quod absurdum per § 7.

| Brevissima erit, quia si alia brevior ab A. ad B. pertingit, Linea < seu extensum > assequetur distantiam se ipso majorem quod absurdum. Si alia æqualis datur, ut si esset ASB non quidem Recta, æqualis tamen rectæ ABC, oporteret distantias $AS + SB$. non esse majores quàm A.B. quia non possunt esse majores conterminis curvis $AS + SB$ (quæ ponuntur ipsi AB æquales) ex naturâ brevissimi. P. 5.




MATH., I, 15. Sed Euclides demonstravit esse $AS + SB$ majores quam AB . nullis principiis huic (Brevissima duo inter eosdem terminos non dantur) innitentibus implicitè assumtis, sed ex puris angularum sitibus ratiocinando. Ergo patet quoque nostri asserti veritas, quod duo brevissima inter eosdem Terminos non dentur.

§ 10. Fortasse tamen illud Euclideum ex paucioribus etiam demonstrari potest Scilicet.


Dissimiles Arcus in eodem Circulo a Chordis æqualibus abscindi nequeunt. Id quod ex natura similium per se constare censendum est.

Itaque Diametrus AB major est Chordâ AD nam Chorda AD abscindit




Arcum dissimilem dimidio Circuli AB (alias ab A ad B rediret contrâ § 8). Ergo per positum principium non erit $AD = AB$. Sed nec $AD \sqsubset AB$, quia $CA + CD = AB$ duplum Radii duplo Radii. Ergo hoc pacto esset $AD \sqsubset CA + CD$ Brevissimum majus altero iisdem Terminis interjecto quod absurdum.

Cum ergo Chorda AD nec æqualis sit Diametro nec major, patet Diametrum quâvis Chordâ majorem esse. Hinc sequitur tertium Trianguli Isoscelis AMN duo latera tertio sunt



majora. Nam Circulum Centro A , per M et N ducendo $AM + AN$ æquantur Diametro seu duplo Radii sed MN modo fiet Chorda ejus Circuli. Ergo ut paulo ante probatum $AM + AN \sqsubset MN$.

Denique dico in quocunque Triangulo duo latera reliquo esse majora $DE + DF \sqsubset EF$. Nam abscindo $DX = DE$, Ergo $DE + DX \sqsubset EX$, ut




de Triangulo Isoscele ostensum. Addo utrinque XF . Ergo $DE + DX + XF \sqsubset EX + XF$. Id est $DE + DF \sqsubset EX + XF$ (*).

Aut igitur $DE + DF$ minus erit brevissimo EF , quod absurdum per § 9. aut æquale (et sic per ea quæ ad litteram * probavi erit $EF \sqsubset EX + XF$ Brevissimum alio cointerjecto absurdum) aut denique $DE + DF$ majus erit quàm EF quod erat demonstrandum.

P. 6. | § 11. Ut Linea Recta est locus omnium punctorum sui situs ad duo

puncta unicorum, ita Planum est locus omnium punctorum sui situs ad tria puncta unicorum, unde patet, etiam assumptis duabus rectis se intersecantibus haberi Planum. Esto enim Recta per A.L. et alia per A.M. Habemus tria puncta A.L.M. nec tantum determinata sunt puncta omnia Rectæ per AL et omnia Rectæ per AM sed et omnes distantiae a quovis puncto unius Rectæ ad quodvis punctum alterius rectæ, adeoque quodvis punctum in quavis harum distantiarum (quæ etiam sunt Lineæ Rectæ) determinatum est seu sui situs ad A.L.M. unicum.



§ 12. Jam Rectæ per A.L. omnia puncta vocentur Y et Rectæ per A.M. omnia puncta appellentur Z. erit ita A.L.Y. unicum et A.M.Z. unicum. Ex ipsis Y unum sit H, et ex ipsis Z unum sit N erit A.L.H. unicum et A.M.N. unicum. Sumatur alius locus cujus quodvis punctum V sit unicum sui situs ad H.N. Sed ipsum H. est unicum ad A.L. et ipsum N. est unicum ad A.M. Ergo V. erit unicum ad A.L.A.M. Nam in Determinationibus pro Determinato substitui possunt Determinantia. Cum ergo sit V. ad A.L.A.M. unicum et repetitio ejusdem A. supervacanea sit, saltem inde inferetur esse V. ad A.L.M. unicum. id est omnia puncta V. esse in eodem plano cum A.L.M. quia Planum est locus omnium punctorum sui situs ad tria puncta Fixa Unicorum.

§ 13. Sequetur etiam Duo Plana sese secare in Lineâ Rectâ. Sit X. Unicum ad A.B.C. et Y. unicum ad L.M.N. Puncta vero utriusque Plani communia omnia vocentur Z. ita ut puncta Z sint unica sui situs tam ad A.B.C. quàm ad L.M.N. Ergo omnia Z tam X. erunt quam Y. Producantur Distantiæ LM.LN. et MN. dum Plano per A.B.C. occurrat in λ . μ et ν . quod fieri necesse est quia planum quodvis secat totum spatium et sectio communis procedit in Infinitum. Item, omnis Recta procedet in infinitum. Necesse igitur est ut ad illud Planum seu ad sectionem communem perveniat.

| § 14. Sed ne moveatur objectio, forsan unam inter Distantias L.M.N. esse sectioni Parallelam, duo nobis puncta λ . et ν . sufficiunt. Quodsi vero omnia tria in sectionem cadant nihilominus ex duobus eorum determinatis determinatum erit tertium, alioqui si tria essent indetermi-

MATH., I, 15.

P. 7.

MATH., I, 15. nata inter se determinarent Planum in ipsa intersectione Planorum, quod absurdum, quia sic ipsa quoque intersectio Planum foret. Itaque fiet $Z. \lambda. \nu.$ unicum id est omnia puncta $Z.$ cadent in Lineam Rectam. Hinc quia duæ Rectæ se mutuo non nisi in unico puncto secare possunt, trium Planorum Intersectio punctum erit.


§ 15. Videndum etiam quid fiat, si tres superficies sphæricæ se secent, ubi locus intersectionis extensum esse nequit. Neque enim duarum

A B
· ·

Linearum sectio Extensum est. Facile autem ostendi potest, per duo puncta innumeros transire circulos.

C
· etsi possit etiam aliquando Circulus circulum attingere saltem in uno puncto, etiam tum, quando non

sunt in eodem Plano, etsi se non tangant. Circulum vero ex tribus punctis determinari manifestum est. Nam ex duobus punctis A. et B determinatur Recta cujus omnia puncta ad duo puncta hæc se habent eodem modo, inter quæ etiam est Centrum Circuli. Similis locus punctorum ad B et C eodem modo se habentium (inter quæ idem Centrum esse debet) extrahatur in Rectâ punctis B et C. determinatâ. Ergo Centrum Circuli est in ambabus iis Rectis, id est in earum Intersectione sive : Ergo intersectio ambarum Rectarum est punctum ejusdem relationis ad (B.C.B.A. et cum



B repetere supervacaneum sit ad) B.C.A. quod punctum omnino debet esse Centrum Circuli per A.B.C. Sed nos supra definivimus Circumferentiam Circuli, locum punctorum eodem modo se habentium ad

duo puncta Fixa. Hinc Circulus erit Locus punctorum eodem modo se habentium ad quodvis punctum X. Rectæ per AB, determinata substituendo pro Determinantibus.

§ 16. Sumantur tria puncta in Circumferentia hujus Circuli et Planum per ea transiens, cui occurrat Recta per AB. in Puncto quod sit C. Ergo Circumferentia est locus punctorum eodem modo se habentium ad C. ostendendumque erit omnia puncta Peripheriæ cadere in hoc Planum per tria puncta Peripheriæ ipsius ductum. Quod fiet si ostendatur Planum esse locum omnium punctorum ad duo quædam puncta eodem modo se habentium. Rectam vero esse lo-

1. Sic. Lire : extat.


eodem modo se habentium ad tria quædam puncta. Sint puncta A.B.C. MATH., I, 15.

A B C Duarum jam quarumcunque Sphærarum circa A et circa B.
 . . . intersectiones, cadent in Planum. Idem
 est de duabus quibuscunque sphæris circa A et C. Inde,
 quia hoc sufficit ad determinandum, Consequens est,
 Planum ex intersectionibus sphærarum circa A et B et A B
 Planum ex intersectionibus Sphærarum circa B. et C.
 aut circa A. et C. eandem determinare Rectam ad
 quævis puncta hujus Plani eodem modo se habentem;
 ad quæ illisio Rectæ in illud planum eodem modo se habet.

§ 17. In Plano quoque possumus concipere Rectam ut locum omnium punctorum eodem modo se habentium ad duo tantum puncta A. et B. Adeoque omnes Circumferentiæ æquales circa A. et B. se secabunt in hoc loco seu in hac Linea Rectâ. Hic modus locum determinandi diversus est a priori. Aliud enim est dicere, locum omnium punctorum eodem modo se habentium ad duo puncta A. et B. esse Rectam. Aliud locum omnium punctorum eodem modo se habentium ad A. ut ad B. esse Planum. Nam prior proprietas sic exprimitur : $A.B.C. \simeq A.B.Y.$ in solido. Locus omnium Y. Recta sed posterior proprietas sic exprimitur : $A.Y. \simeq B.Y.$ erit locus omnium Y. Planum. Sed, si omnia Y. sint in eodem Plano cum AB et inter se posito $A.Y \simeq B.Y.$ erit locus omnium Y. Linea Recta.

Ex $A.B.C. \simeq A.B.Y.$ sequitur $A.C. \simeq A.Y.$ et $B.C. \simeq B.Y.$ unde constat Y. cadere in Sphæram Centro A. Radio AC. et in Sphæram centro B. radio B.C.

§ 18. Ex Contactibus etiam Sphærarum in uno puncto sequitur dari locum Unicorum ad duo puncta, vel vicissim ex hoc sequitur Contactus Sphærarum in uno puncto. Idem est in Plano de Contactibus Circulorum. $FA \simeq FB \simeq LA \simeq LB.$ sic $GA \simeq GB \simeq MA \simeq MB.$ nempe circulus centro A radio AE descriptus cum sit E infra Rectam et A. suprâ Rectam, secabit eam bis in F et L, quæ sectionum puncta sibi continuo appropinquant, F. transeundo in G.H. etc. : et L in M. N. etc. : Ubi autem sibi occurrent, ibi in unum coalescent in D. eritque ibi duorum



MATH., I, 15. Circulorum Contactus. Hinc si A et B sint ea ad quæ omne punctum rectæ FL eodem modo se habet, erit D sui situs ad ea unicum et in Rectam per A.B. cadet. Videtur etiam sequi has Rectas se non nisi in uno puncto secare.

MATH., I, 26, a. MATH., I, 26, a (1 f. in-4°) ¹.

Logica est Scientia generalis.

Mathesis est scientia rerum imaginabilium.

[Theologia] *Metaphysica* est scientia rerum intellectualium ².

Moralis est scientia affectuum.

Combinatoria agit de calculo in universum, seu de notis < sive characteribus > universalibus.

Non omnes formulæ significant quantitatem, et infiniti modi calculandi excogitari possunt. Exempli gratia pro calculo alternativo si dicatur x esse abc , intelligi potest x esse vel a vel b vel c . Hinc si sit x idem quod abc , et y idem quod ade , erit xy idem quod $abcde$, seu calculo alternativo id quod est x vel y necessario erit vel a vel b vel c vel d vel e . Cum in Verso. multiplicatione alias < et > secundum | leges communis calculi posito x [esse] valere abc , et y valere ade debuisset xy valere $abcde$. Verum in calculo alternativo tali, a et aa æquivalet, nec ulla ratio habetur combinationis literæ secum ipsa. Ita posito x esse $abcd$, et idem x esse $cefg$, sequitur x esse c . posito hæc omnia $a.b.c.d.e.f.g.$ esse inter se diversa. Si enim constet hoc modo x esse unum ex his quatuor $a.b.c.d.$ et unum ex his quatuor $c.e.f.g.$ necesse est ut sit id quod utrobique reperitur nempe c . Quali artificio uti solent lusores ad divinandum quam char-tulam aliquis sumserit, licet ab iis tegatur. Et eodem artificio utuntur et Geometræ, nam cum sciunt quod quærunt debere esse in aliquo circulo dato, idemque esse debere in alio circulo etiam dato, concludunt id cadere in horum circulorum intersectionem ³. Idem fieri potest in seriebus numerorum, Et alioqui calculus alternativus immensum habet usum in

1. Ce fragment doit dater de 1683 (voir la fin). V. *La Logique de Leibniz*, ch. VIII, § 12.

2. Cf. *Elementa nova Matheseos universalis* (PHIL., VII, B, VI, 9).

3. Cf. MATH., I, 9, b.